

الضلمة

من كتر ما عشت في الضلمة
بقيت خايف أبان في النور
لاحد يشوفني يسألني
مالك حزين مكسور

شلت همي جوا مني
وعمري أتسرق
حتى سري مايعرفوش
غير الورق

بقيت خايف ومش شايف
غير الأحزان
اهات قلبي بتألمني
ولا البركان

اتعودت اكون مجروح

ولا اتكلمش
دايما باغلط ومن اخطائي
مابتعلمش

انسان عايش كدا بطبعتي
نقطة ضعفي طيبة قلبي

دايماً ب أدى ودايما ضدي
كل الناس
وباقول عادي وعايش راضي
كدا وخلص

اوفي لصاحبي يغدر بيا
أزرع خير واحصد انانية

حتي الأهل معاندة معايا
اتعب واشقى وياخدوا شقاي

اعمل إيه يا زمان ماتقول لي
اعمل إيه ف اللي بيحصل لي

اصبر واسكت ولا أتكلم
انا ح أتكلم واللي ح يحصل
مش ح يكون قد اللي حصل لي

من كثر ما عشت في الضلمة
بقيت خايف أبان في النور